
ФАРҒОНАДА ДАВЛАТ АКТИВЛАРИ ВА ЕР МАЙДОНЛАРИНИ ХУСУСИЙЛАШТИРИШ БЎЙИЧА "ROADSHOW" ТАҚДИМОТИ БЎЛИБ ЎТДИ

Бугун Фарғона шаҳридаги “Тадбиркорлар уйи” биносида Давлат активларини бошқариш агентлиги томонидан Фарғона вилоятида хусусийлаштирилиши белгиланган давлат активлари жумладан, корхоналардаги давлат улушлари, бўш турган давлат мулки объектлари ва сотилиши белгиланган ер майдонлари тўғрисида тадбиркорлар ва инвесторлар учун “Roadshow” тақдимоти ўтказилди.

Тадбирда Давлат активларини бошқариш агентлиги директори ўринбосари Алишер Миралиев, Давлат активларини бошқариш агентлиги вилоят ҳудудий бошқармаси бошлиғи Хабиб Сирожитдинов, вилоят ҳокимлиги котибияти мудири Мақсудали Сайдуллаев иштирок этди.

Шаҳар, туман ҳокимликлари, масъул идоралар мутасаддилари ҳамда 300 нафардан зиёд вилоятдаги йирик корхоналар вакиллари, тадбиркорлар ва инвесторлар жалб этилган тадбирда давлат активлари ва ер участкаларини хусусийлаштириш, бўш турган объектлардан самарали фойдаланиш масалаларида сўз борди.

Тадбиркорларга ер, бино ва иншоотларни ажратишнинг электрон, шаффоф ва адолатли тизими жорий қилинганлиги ишбилармонлар фаолиятида юзага келаётган тўсиқ ва муаммоларни ҳал этилишида муҳим аҳамият касб этаётгани таъкидланди.

Давлат активларини бошқариш агентлиги вилоят ҳудудий бошқармаси томонидан 2022 йил давомида жами 145 та давлат активлари аукцион савдоларига чиқарилган бўлиб, шундан 75 та давлат активлари 139,9 миллиард сўм қийматга бўлиб-бўлиб тўлаш шarti билан сотилишига эришилгани ҳақида батафсил тўхталиб ўтилди.

Бугунги кунда 58 та давлат активларини бошланғич қиймати 85,7 миллиард сўм нархда “E-AUKSION” электрон савдо платформасига чиқарилгани қайд этилди.

“E-AUKSION” электрон савдо платформасидан фойдаланиш, онлайн электрон имзо олиш ва савдоларда қатнашиш учун аризалар бериш тартиблари тушунтирилди.

Тадбир қатнашчилари ўзларини қизиқтирган саволларга мутасаддилардан жавоблар олишди.

Куннинг иккинчи ярмида ОАВ вакиллари учун Пресс-тур ҳам ташкил этилиб, давлат активларини сотиб олган харидорлар томонидан ушбу объектлар негизида бажарилган ишлар жойига чиққан ҳолда ўрганилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-05-04 17:45:32